



南郭先生文集

二編目
自一至二

全貳十四冊 詩

七

特別
~20
3564
7



八二〇
三五六
-7

南郭先生文集二編目錄

卷之一

擬古樂府四十首

五言古詩三十首

卷之二

七言古詩二十四首

卷之三

五言律詩八十五首

五言排律八首



58-2175

卷之四

七言律詩百十三首

卷之五

五言絕句四十二首

七言絕句百十八首

卷之六

序十二首

卷之七

序六首

記三首

銘二首

贊三首

說一首

卷之八

墓誌三首

碑碣六首

祭文一首

題跋十首

南郭先生文集二編
目錄
卷之九

書牘二十七首

卷之十

書牘二十一首

南郭先生文集二編目錄



南郭先生文集二編卷之一

平安 服元喬子遷著

東都 源君嶽 輯校

擬古樂府

鷄鳴

鷄鳴閨門外，狗吠狹路間。兄嫂當知之，早起竊長歎。
蕩子方外宿，五日未來還。結客游倡家，往來從少年。
少年雖可樂，安足奉君歡。潭潭君家府，高牆結重關。
中庭栽桃李，後庭栽芝蘭。前池何所有，芙蓉發且鮮。

南齊集 卷之一
大兄尚書郎中兄新為官一時府中趨聯駕何翩翩
大婦頭上珠中婦臂上環腰襦雙錦繡中衣雜素紈
相迎東西廂坐起共令顏置樽且調絲歡笑惟萬端
兄弟樂相樂君婦良獨難

烏生八九子

烏生八九子端坐秦城瓊樹枝
啗我秦城本自帝王居旁有上林物生光輝
阿母將烏子飛揚其間或東或西
啗我城中年少子雖有金丸無徑踐請君勿持
彈烏乃上天得所棲啗我人民安知烏鷓雄欲往從

之于誰之屋麒麟乃在聖王郊藪中道窮尚復得同
麋鹿啗我赤翅鴻乍極天飛楚人尚復得弋獲之神
龜雖壽乃在江水中豫且尚得施網羅啗我人民各
各有天命窮達當復奈何

長歌行

巍巍緱山巔駢駢白鹿馳僊人王子喬翩翩何自歸
招我以芝蓋期我扶桑枝願從浮丘公遙觀使人思
朝陽頌園葵夕日忽西移今日不努力少壯復幾時

短歌行

南齊集二編 卷之一
今夕何夕，與子同席。對酒高歌，奏以金石。此會幾何，憂與時多。短髮苦白，短日苦過。唯酒寫憂，樂飲莫辭。人不滿百，上壽難期。思念一至，鬱鬱累自。君之來，喜不我棄。伐木丁丁，鳥鳴嚶嚶。以歌以和，同聲同情。月出高堂，清光難忘。古人卜夜，歡樂未央。

塘上行

青青澤中蒲，託根愛芳辰。芳辰忽一邁，莫能保其新。倉卒亦不啼，心獨內苦辛。塘下視流水，塘上逐飛塵。念君不安定，太息前自陳。今日相對樂，壽君萬歲期。君行且自愛，君行莫爲非。此行不能隨，雖暫牽君衣。終當守空房，悽悽坐別離。出亦復苦悲，入亦復苦悲。恩愛儻不棄，願言望君歸。

猛虎行

猛虎不從狐窟，鴻鵠不遊榆枋。燕雀非無巢，安知鴻鵠翔。男兒生有志，慷慨離家鄉。朝分親友手，暮在天一方。鄉親豈不懷，顧望心西傷。行行上高山，高山一何長。豺狼對我蹲，谿風起悲涼。高歌出金石，激響在剛腸。烈士厲壯心，飢渴自相忘。

燕歌行

悲哉秋氣日夜催芳樹蕭蕭人不歸聊登高臺心益
悲風送白雲西北來念君遠道且徘徊顧思故鄉天
一涯妾獨鬱陶假寐稀君來相見復何時手弄鳴琴
不敢揮且恐清商音響哀望盡明月不覺疲長路漫
漫鳴雁飛河漢露白夜不晞牛女淚下沾我衣奈何
天上多別離

從軍行

苦哉邊州人從軍安終極二子沒沙場二婦心如刻

少婦新婚來聞之方悽惻少子今年征生死無消息
豫章行

松柏在高山鬱鬱摩蒼穹下瞰培塿間衆木何叢叢
大匠持繩墨乃構洛陽宮宮觀千餘材身負棟梁功
不惜根株絕不惜枝葉空管仲一匡合千載稱桓公
善哉行

醉日忘憂醒日多悲迨此暇日聊以相熙瞻彼日月
胡迭而馳譬如駟馬忽不可追別易會難後悔無期
况此異鄉相見常稀淒淒北風飄吹我衣肴盈酒清

餐可無飢，羽爵翩翩相屬。不遲心之所美，貴不相疑。維漢有星維斗，與箕仰觀雲端。樂君有依。

步出夏門行

步出夏門，道道傍逢神僊。揖我欲俱與，扶我上游天。恍惚從所之，乃在瑤池邊。王母戴勝冠，一笑何嫣然。雙成爲我歌，飛瓊舞蹁躚。傍有列玉樹，光彩使人眩。慙慙折一枝，手授長相憐。

却東西門行

孤鴻萬里翔，鳴聲一何悲。翩彼孤鴻鳥，猶有向鄉時。

奈何遠游子，無由凌風飛。獨身在他鄉，他鄉誠難爲。親友非故人，園林非舊枝。騰蛇一失勢，泥土亦屢移。東觀滄海水，碣石高巍巍。上有百草茂，朝日生光輝。飛鴻儻駕我，所願遠西歸。

野田黃雀行

行息嘉木陰，步從蒼山阿。蒼山出黃雀，下啄田間禾。彈者亦不彈，羅者亦不羅。一舉摩蒼天，高飛奈雀何。物豐且長成，今日四時和多。謝少年子歸來共醉歌。

悲歌

長缺可以當樂長嘆可以當歌望鄉上山山亦嵯峨
欲對酒無魚欲驅車無僕悲歌不能竟心中實荼毒

種瓜篇

種瓜城門外蔓延布畝地瓜豈不自長附物相係累
新結君惠好乃得此身寄山高不可量海深不可試
賤妾自有誓無言可以比微薄奉枕席安知君高意

升天行

昔游三山上與聞真人言我自居僊境近取誠已然
不見蓬萊山乃在芙蓉巔日出金銀臺光耀粲照天

屑雪和沆瀣一餐長忘年舉手忽高飛遙謝求藥船

獨漉篇

獨漉獨漉黃鵠下啄念子依止不如清水解一猛虎出

山威約為鼠其文斑斑人以寢處解二磊磊白石得水

益白水深石沒誰知其迹解三衣錦裝衣錦自可見揉

茜染紅紅自可變解四昔學畫龍盡力得之世無真龍

雖似何為解五滄海之雀遊戲田中我欲羅之或西或

東解六

前溪歌六首

洗紅就前溪紅落溪水流流水無紅色總爲不少留
前溪小草生連結依岸淡近坐子細看一一還結子
聞郎前溪度出望非阿郎何由他人子故似郎衲襠
溪邊獨樹花昨夜爛熳開偏恐爲易落不待我郎來
前溪復前溪近栽桃李傍儂家自易知易知復易忘
春風使心傷

黃葛根安在綿連自踰垣旁有無枝樹欲援復不援
中心苦風翻

團扇郎二首

團扇白如雪羅衣素相空被愛雖無日感郎方相思
團扇明月下非是故遮面辛苦自難言不使淚痕見

懊儂曲

布帆百餘發一時不相待歷歷第十三分明歡所在

石城樂二首

人言石城樂石城誠已樂大編載三千夜夜競投泊
陽春二三月莫樹不可憐石城冶遊子莫人不盛年

莫愁樂

石城人如月擊汰溯急波問是何處往往聽莫愁歌

估客樂

聞郎發新浦，故來相決絕。郎喜五兩風，儂悲千里別。
襄陽樂三首

今朝發襄陽，薄暮至大堤。問郎何處宿，笑指大堤西。
襄陽城裡烏夜啼，至天曙。江陵三千三，不憚相隨去。
前江下篙足，遣人相參伺。揚州諸估客，催送儂歡來。

烏棲曲二首

芳樹隱隱烏棲止，倡家閨中合歡被。爲君待月未下，
帳風入四角，搖香囊。

桂楫錦纜芙蓉舟，紫巾一隊是我儔。慙歎欲看盛飾，
期相約江南採蓮時。

青驄白馬四首

青驄白馬金鏤鞍，到頭迎取知是歡。
人家可憐楊柳樹，勿繫君馬家人怒。
楊柳青青君馬黃，惱殺窈窕西家娘。
齊唱湖中採菱曲，可憐湖邊多躑躅。

楊白花

風裡楊白花，吹轉入深宮。楊花何事飛不定，令我宮

裡無春風空望三月江南道道上楊花不可掃還憐
吹轉春風力時送楊花到江北

五言古詩

擬雜體三十首 并序

夫漢賢創篇五言之美既盡魏才崇飾古風之淳
未渝蓋倩盼在躬非假素絢金玉成相不無追琢
故好古之士莫不以爲師祖蘇李尚友曹劉質猶
文自具虎豹之斑裝尚錦反彰經緯之縟者撰思
所至可不然歟爰自洛下降及江南詞人林蔚麗

章華滋新葩競鮮舊根漸朽若夫九變致物衆人
猶悅淫哇之聲五降和音庸夫頗采繁絃之調君
子擇焉然讀其書則必論其世頌其詩則亦想其
人博游藝苑固已盈目旁決言泉時或發口亦足
以極盛玩變而已昔者江生擬作雜體淄澠各嘗
其味衣冠悉像其形可謂絕技余擊節之餘亦不
自量竊因其製復敷三十首庶其刻鶴不成雖慚
吮脛之短相馬無術徒知驪黃之分耳舊有孫許
及袁太尉寥寥遺篇今不多見無繇伐柯但恐添

足按士龍不愧陸兄利獲二子宣遠無忝謝宗稱
長一日謝吏部者蓋以其世近江氏有遺然傳其
詩清唐人攸本亦商榷之一也故茲更三家苟全
什數云

古別離

游子輕離別飄忽若風塵行行不復返邈為遠道人
與君一分手何時同一身青青河畔草悠悠道路春
春風日以榮良會日以親譬若枯桑枝安望華滋新
粲粲被與衾恩愛昔相因妾今守空牀展轉長苦辛

李都尉陵 從軍

結髮為征夫去留自有空念子攜手好悠悠從此辭
歡宴且須更後會未有期晨風忽已起浮雲送我馳
去作天涯客願寄長相思

班婕妤 詠扇

紈素如白雪剪裁作團扇文彩象合歡鴛鴦自相戀
願為握中扇日夜吹君面時節忽復移炎涼中道變
此物雖不敝棄捐理自賤

魏太子丕 游宴

南齊集二編 卷之二

南齊集二編 卷之二 十一
高閣鬱雲興，曜靈坐自頌。衆賢好我至，延賞極歡情。
旨酒復嘉肴，珍膳紛縱橫。棊局各爲耦，旁發絃歌聲。
清夜明月出，照我鄴都城。逍遙游園中，客亦放所行。
行臨芙蓉池，綠水映丹榮。香來拂衣裳，繽紛隨風生。
斯樂長相保，千秋未爲盈。

陳思王植

贈友

日夕臨高臺，流風飄我裾。忼慨感友生，思念鬱以紆。
美哉鸞鳳侶，奮翅集王都。五彩相追隨，竒麗各有餘。
念與二三子，攜手宴城隅。惜哉多別時，無復飽歡娛。

顧我親交義，戀戀心常俱。君子相然信，不做小人渝。
神龍若泥蟠，靈德在所儲。時已潤萬物，風雲自可須。

劉文學植

感遇

高會臨清池，流波濺堂皇。中有菱與芡，華葉紛且香。
燭出歡未闌，素月正澄光。永夜各申懷，相勸在飛觴。
翩翩孤鴈羽，迴翔避風霜。何意此戢翼，喑喋清池傍。
聖明燭八紘，恩被喜無方。豈不知陳力，馳翰愧無章。

王侍中粲

懷德

西京昔麻亂，日月不少休。王室坐失守，盪然爲荒疇。

靡靡吾行邁棄之且遠游遠游荆蠻鄉率彼大江流
迅風激流波漂我在獨舟飛鳥迷舊林綏狐非故丘
客子心易傷瞻望淚不收樹葉待涼秋肅肅安能留
忽遇春陽會復降豐澤周振纓列高堂見眷踰匹儔
君子固敬始乃在慎所由喜我得賢主解此歲月憂

愁中散康

言志

邈哉義農世恬莫全太和逍遙無鄙累鼓腹且放歌
伯陽溯其源莊周揚其波詳觀諸余心疇肯及其他
夙蒙母兄愛褊心長愈頗懶與簡傲成世務非所嘉

鸞鳳託靈嶽腐鼠安足多不圖值積棘無所避罽羅
神龜保泥土犧牛斃紛華願余從至人高舉餐朝霞
彈茲五絃琴養素除煩苛謝彼悠悠者永矢不相過

阮步兵籍

詠懷

明月照高樓中夜起悽悲悽悲者誰子佳人懷憂思
傾城豈不美零落誠有之灼灼朝槿華忽先夕日萎
今朝復明朝焉能長自持不見太古椿萬歲爲一時

張司空華

離情

幽房倚薄帷素月復徘徊悽悽守獨夜悠悠以永懷

望君空懸邈安能上糝臺寒閨切草蟲玄墀滋階苔
迴身欲就枕月色隨我來鼓琴欲託之心結音不諧

潘黃門岳 述哀

春華久衰謝秋樹亦飄零感此留者變想彼逝者形
何由覩之子窮泉漠冥冥入室心如駭夕風餘幃屏
音容雖如在不能髣髴聽夜夢思爾來冀做帳中靈
靈魂已不到復此上墳墓墳墓何蕭蕭繁草停朝露
明星出復沒晨月隱曉霧徘徊亦何益埏側不能住
昔為雙棲鶴今為孤飛鷺朝服豈不肅撫心反故步

陸平原機 羈宦

飛鴻離南渚晨風赴北林俯嘆牽世情仰愧營道心
駕言遠行游總轡遵洛潯洛水豈不踰眇身阻且深
肆目望親戚傾耳空笑音承命崇賢門廁坐承華陰
嘉運忝發迹祇肅鮮華簪遊方士所志羈官豈云今
奈何懷鄉感尋念心若沈雖余嬖且狂淚出不可禁

陸清河雲 婦怨

遠行踰山河游宦在京洛京洛多妖麗佳人良所樂
灼灼如桃李嫋嫋秉芍藥雲容出闈闈春姿媚城郭

夕舞俱華袿朝歌連綉幕美目含巧笑細腰競纖弱
流眄當結好誰更待媒妁非君不相棄賤妾焉能託
萬里止東南三歲已零落得問增感念懷書守寂寞

左記室思

詠史

漢祖創英風嗣皇承烈光蕭曹佐畫一韓彭縱鷹揚
謀將誠不乏宗臣繼廟堂層層麟閣上英名鬱相望
興學延文儒治郡得循良天祿列九流京兆謳三王
雖慙三代德視後猶未涼歷歷千餘歲世才一踟躕
吾慕班與馬集成垂無疆

張黃門協

苦雨

宿雲結涼氣朝景溟暘谷階下無人跡商羊何日伏
庭潦為磳壑雷瀝灑室屋草有委泥姿菊無餐英馥
獨酌不成醉獨歌不成曲琴張無慰問桑戶病且獨
沈憂涉陰期蕭蕭素節促

劉太尉琨

傷亂

犬戎頌宗周窮拜覆夏后哀哉神州厄項乃遭陽九
天孽橫長驅城闕失常守赫赫皇晉域陷沒為澤藪
咨余不量力策駑事馳走苟能忠貞堅冀報寵遇厚

鉞罄寔巽耻國亾家不有愧余功未建日夜撫膺久
歲寒風霜烈心微草木朽雖抱松栢志年逝不獨後
朝出北門路馳馬上重阜幽并懼瓦解秦趙方介剖
攘臂空慷慨草野何莽莽燕王禮樂毅功成恩不負
仗劍獨感激申志告知友

盧郎中諶

感交

飛梁鬱虹揚衆材粲星陳撐厦非一木濟功非一人
羣賢乘時會良儔爲德隣昔蒙府朝惠忝位列僚賓
愧此委泥質攀彼騰雲鱗本圖弛負擔豈意垂朝紳

報恩當仗義結交在輔仁幸賴同休戚屢俱涉險屯
乖離心愈近契濶情益親情親形不偕庶以通精神
朝步邊城上暮望沙漠塵四疆何多壘舉目增悲辛
白日蔽雲霧宇宙何時新願窮驚猥力千里追駿珍

郭弘農璞

遊仙

扶桑日月窟瀛海神僊居上有銜木鳥下有吞舟魚
銀臺百餘仞豁達排綺疏中有童顏客冥寂讀丹書
碧瀾相往來紫煙隨吹嘘忽復拂霄遊駕龍雲爲車
陵陽爲我御洪崖即我輿永謝徐福輩安得尋玄墟

殷東陽仲文

興編

獨寄清秋興，聊尋塵外境。望山愛明遠，避人甘幽靜。
晚樹標翠葉，早田挺秀穎。風度疎林色，雲逐清川影。
素節何短促，頽陽惜夕嶺。感此年命似，顧令物理省。
心適物可忘，薄言從所秉。

謝僕射混

遊覽

行樂謝常累，逍遙吾可喪。朝出北闕路，行臨西池浪。
水木相奄映，雲霞共明暢。高臺出遙林，白日插青嶂。
幽蘭遺芳馥，秋葉須風颭。悟彼伐檀詩，歲徂易悽愴。

歸路獨徙倚，悠悠存俯仰。安得惠子知，相忘於濠上。

陶徵君潛

田居

良辰載南畝，相勸秉春耕。時風扇微和，草木欣舒榮。
日夕還吾廬，林鳥相送鳴。故人載酒至，開樽聊共頌。
勸君杯中物，誰羨世間名。白雲澹歸岫，青松挺立庭。
此情難言久，聊且終吾生。

謝豫章瞻

集別

皇命待右職，明牧餞南樓。時有守符客，亦及臥閣陬。
征鴻殊漸陸，別鴈異下洲。途分邈後會，筵同整前游。

奄奄西頽日，泊泊東逝流。勸觴各易盡，握手久難留。
肅駕促行裝，理楫即離舟。蹇劣雖不類，綢繆辱匹儔。
幸託青雲翮，縱飛庶可求。

謝臨川靈運 遊山

初志縱丘壑，末路躋屯遭。幸遭謝病時，此全息景年。
晨策事登陟，日謝區中緣。山氣澄朝景，嶺雲麗午天。
遠巖半含崖，回谿停爲淵。幽石結松根，垂蘿懸淙前。
遙貪羣山秀，更凌攢峯巔。鑿空豈難行，窮途未期旋。
高頂可棲息，絕境自留連。雲霞抗賞心，形迹占靜便。

陽路挺秀芝，陰澗響飛泉。冷冷風煙輕，青青林薄鮮。
旣悟小魯聖，亦羨遊候僊。此意非安排，曾是得道玄。

顏特進延之 侍宴

王在樂周鎬，帝貴嚴漢廷。備哉置酒美，盛矣當陽明。
日御駐瓊筵，星列暉玉纓。金殿鬱天覆，彤基坦地成。
階卉挺瑩英，園芳吐早英。山紀五雲瑞，郊降四物靈。
遙睇乍關險，回望暨海溟。丹都應王氣，赤縣徙神京。
我后體元施，下土得一貞。垂拱宗無爲，遊宴顧有情。
布澤春令暖，興樂時律生。間奏盡歌變，末隸飽樽盈。

省躬久尸素叨恩屬公卿雖從采風政愧汚鈞天聽

謝法曹惠連 贈別

昨別未淹時今懷如彌歲况乃風波惡漾漾洲渚際
停艦已無回促裝亦有滯西浦念遠期東山惑遙睇
其感念疇昔歡披對無須言翫志新藻滋折疑舊篇
繁颯颯送風坐娟娟迎月軒適意貴情合賞心在道
存_{其二}忽遭人事迫復趣世塵塗愛兄惜別離游子悲
行徂悠悠送野亭戀戀即江湖江湖整舟楫回望意
踟躕_{其三}既分餞館袂且發臨湖舟修渚晦留容曲記

絕回眸孤影從此去雙淚為之流方感汎汎詩更添
煒煒憂_{其四}風雪朝灑波雲雨夕蔽崖奄忽春時仲未
值良辰佳情悽每少棕景阻轉多乖旅泊無可訴援
毫布積懷_{其五}

王徵君微 養疾

北渚寒風起南江芳草枯旅鴈日夜翔羈思在半塗
褰帷矚月華皓皓盈天衢天衢豈不大眇然顧茲軀
久無金膏驗丹梯詎可踰痲兼積憂長心與孤景俱
如彼鍛翮禽徘徊望玄都

謝光祿莊 郊遊

四時結野駕，良辰肅郊裝。振衣分晨霧，移步向天光。
鳳嶽方隱曖，靈川正微茫。石出流轉激，林來華愈芳。
魚樂知濮水，雉性協山梁。樵道雲煙際，農籬日午旁。
捨簪任容與，信杖自徜徉。夙齡丘壑好，多年茲未央。

鮑參軍昭 戎行

丈夫思殉國，義烈在投軀。驃騎方北伐，從軍萬里塗。
鐵甲何鏘鏘，羽箭帶彫弧。既到邊塵合，奮身入騎胡。
始圍虜名王，再擊奔單于。三戰掃沙場，漠北無匈奴。

歸入玉門關，復戍長城隅。將軍試武力，射獵事馳驅。
猛虎動牙齒，當我負山嶠。發的一何巧，飲羽僵草蕪。
少壯誇勇彊，年歲忽相踰。死輕知賞重，功實識名虛。
誰憫邊馬老，徒泣河魚枯。上恩持一身，白髮還舊都。

休上人 怨別

秋風何處至，吹我瓊樹枝。容華坐摧落，正是斷腸時。
聊倚高臺夕，試望浮雲陞。明月含千里，流照天一涯。
瑤帶一相結，錦衾復為誰。嘯歌依寶瑟，心曲亂朱絲。
相思為君調，調長情轉悲。

謝吏部眺 閒坐

獨坐對南山，林光圓午景。高齋無塵事，羈身遇幽境。
風留雲不移，鳥喧晝自靜。逝波送清江，靄翠引遠嶺。
春酒幸病微，風琴依歌永。賴此抱關情，迺絕奔競景。
寄言軒冕客，賞心聊可省。

南郭先生文集二編卷之一

南郭先生文集二編卷之二

平安 服元喬子遷著

東都 源君嶽 輯校

七言古詩

秋扇歌

殘香空帶合歡扇，畫裡顏色暗。雙燕雙燕雙飛日，夕
空霜露八月降。漢宮上有中天之明月，下有搖落之
秋風。美人悵然起，自疑故物難棄情。所悲只恨弱質
還零落，不似握中奉恩時。

移居西窪地甚陋惡戲作棲鷓行

郭西西窪舊山谷百壑旁流鬪民屋屋上有山千尺
 高左岸右崖無平陸居民俗惡元偷生西逼寺院北
 墳塋井邊白骨往往見磬鐘雜起歌呼聲鷓是雲霄
 猛羽翮何事垂翼此容迹從來錯認古鬱林那知囂
 塵且迫窳秋雨十日懸空泉崩沙奔石東涯圻衆鳥
 翱翔樂自如燕雀啁啾鷓鷯乎何足寄雄姿風
 霜憶昔寒山枝骨瘦毛摧回深目依巢側身擁羣兒
 威約只畏鷓鷯笑眩視低頭且憂悲爾不見古人重

卜鄰風物山川擇里仁吾拙總是致轆軻鷓兮鷓兮
 可奈何

臨高臺送芥子豐還西京

臨高臺高臺百尺天涯開就中西望長安道羨君萬
 里能即回芙蓉五月如麈斑玉鞭直指白雲間送君
 翻然共鳥過明朝忽隔萬重山長安到時足交遊四
 時行樂應不愁君歸更復臨高臺一為老夫東望不
 松前公子齋前新竹歌

君不見松家公子子猷才齋前愛竹手自我去年今

南亭集二編 卷之二
年益繁殖四月五月苞叢開，鳳鳴鳳闕通氤氳第裡，
樓臺氣色分中有公子之竹三百尺，琅玕日拂西宮，
雲正是清言堪幽賞，何可一日無此君君家列卿漢，
清官已見柱後惠文冠，即今並傍霜臺栢，他日亦應
凌歲寒。

經七里濱入鎌倉云是古戰場慨然作歌

伊昔鎌倉古障堡，新田猛將自此道，相陽猶餘十萬
兵，守隘無地虛可擣，稻崎回岸海水高，旌旗閃閃遍
洲島，三軍義烈泣鬼神，大將沈璧爲鰥，禱須臾廣斤

退潮乾海變桑田，破天造前隊已聞拔，郊壘殺傷積
崇如穫薙，擄槍暴出相山搖，海濱顛倒大鯨死，君不
見古來戰場血流鹵，今日主客皆黃土，黃土空埋蒼
精龍波洗尺鐵，無全鋒洲沙漠漠，行人望唯有當年
老古松。

閉戶先生歌

人道閉戶先生，廬先生懶惰，營業疎畏客，常苦無蒿
徑，幸有塗泥自沮，如晝寢便便五經，笥充食未飽，腹
中書東都五月釣瀕海，房總日送葛子魚，荷擔競呼

南齊集二編 卷之二
諸惡少一頭買得當菜蔬此時先生午睡起索酒引觴憶肉美盛來初訝瑪瑙盤盤空琥珀落牙齒濁酒一杯志願畢何求鼎食更添指四隣囂囂賈者盈向來爲爾不惡市

促織

促織爲誰切通宵鳴不絕無關驚懶眠應爲悲離別
反側聽時耳屬垣不覺枕衾添淚痕起坐不安寒帷望月色如霜聲益繁玉樹吹盡秋風落岷岷蕭蕭入草根爾繁有徒尚何陳爭似妾獨傷心神神魂夢斷

長相思云誰之思遠方人天涯月色寒將曉無爲心肝摧此身不如還入抱影卧仍自空牀與爾親

薛荔館在長大夫山內君別莊周南縣生爲

作記也又屬二三諸友詩之余不可辭則爲

縣生遙想作歌

薛荔主人德不孤縣生作記勝畫圖生也周南古文學主是長國上大夫館中物色三千里誦之宛如在海隅海隅北來廣莫風韎鞞朝鮮樂浪東其他城郊多少景坐收薛荔山上宮薛荔館前薛荔多服之無

數山之阿絲竹泉間應洗耳空翠潭上晚來波富貴
未知在身裡寤言不怠碩人適吾聞大夫十年一狐
裘政成清靜得優游優游既告新令尹但來日討薜
荔幽借問誰是共乘者還似子產於野謀周南縣生
述此事竟卷神遊忽如睡安得從彼美人於西方一
問華胥樂國意

大淳師至自信中攜禪餘稿佳甚臨別作歌

兼寄獨雄師

信中淺間稱大嶽火炎山巔聲礧礧十里烈缺天門

壞爆石磊磊如雨電世人從來隔塵埃不可嚮迹空
羅嵬何知中有五色石淳師神變拾得回攜將囊裡
為我發方信君是補天才底事未及敘殷勤忽復金
策凌霄分曰井關頭遙紫氣驚湖水偏白雲山中
歸到逢雄公與君此道心應同為報時取支機石一
憑搓客贈海東

同諸子帆海至本牧港

金川之海本牧山進舟欲接一葦間左顧長驛家家
出右眄連嶠樹樹閑魚鯁行就漁船求持螯豪興圖

拍浮酒樽頌來益鼓枻掛席破波向海流舟人忽報
本牧坳仰頭危木斷山青受潮絕壁如削立倚崖纔
轉即滄溟滄溟焉知天地中鄒家九州寰宇東且看
萬里萬船至蒼茫只信五兩風回楫傍巖知何處云
是十二天僊宮至此迴望隔烟波乘興風濤發醉歌
將令天吳供擊鼓笑殺泛湖弔湘娥

苦熱行

畏日炎旱正煌煌雲雷空望南山陽由來甕牖繩樞
子上焦下蒸絕微涼不知魏臺鑿冰井詎有燕地吹

墜霜火德乾坤一何盛赤帝斬蛇白帝藏噫吁嚱苦
乎毒熱之苦良苦哉諸葛深入瀘水渡伏波遠征武
溪隈富貴功名夏畦似受命飲冰亦甚哀北窓昔擬
羲皇人偃蹇尚得存此身

月出歌送櫻生還郡山

三蓋山頭月出光天涯孤客空斷腸君不見日本晁
卿遊異境金門直入秘書省萬古風人開天間提李
挈王交馳騁兼傳和歌一何悲當時東望明月影明
月且出扶桑條十洲三島拂紫霄此道此人人所羨

南齊集二編 卷之二
千載旦暮自寥寥南都之南富雄水君歸試求何處
是三蓋山頭月出光皓兮看時憶我否

圈熊行

蒼髯賈客何郡郎，押養制熊如癡羊。路上日覓看錢，
利行人繞立似堵牆。維熊幽壑深山，獸壯姿強力男
子，祥縱死願供長楊。獵生前夢遊帝所，傍嚴冬臘月
飛大雪，古木怪巖蹊迹絕。右拏白虎左黃羆，世人那
得窺深穴。今日昏昏只作眠，還與雞犬同饑渴。嗚呼
古來英雄多拘累，爪牙摧折神不死。俗子侮弄休近

前一朝飛騰還噬爾

難波客舍歌

八間樓上南去客，八間樓下北來舟。問君駐舟自何
處，東極江都西帝州。問君此去向何處，難波風俗堪
壯遊。城闕邑屋海雲邊，五方雜錯萬國船。江南江北
青樓女到處，隨意擁花眠。勸君鸚鵡杯中物，一杯一
斗斗十千。勸君行樂好，自愛明朝回首各風煙。

秋風引

風瑟瑟樹蕭蕭，百草衆芳日夜銷。君不見屈宋憂愁

留楚騷萬古文章日月高名空在人去秋來幾年代
代代尚見古人情復此悲秋百感生借問百年悲何
事不須千載垂空名憂來但把忘憂物欲忘不忘對
月明明月江山自悠悠對此停杯雙淚流已見洞庭
秋風樹紛紛且盡搖落秋

白馬篇

白馬龍驤八尺彊銀鞍輕跨錦襴一揮迴日金鞭
色一顧生風紫陌傍傍人見者不須言良家子弟功
臣孫虬髯虎頭真將種紫石稜眼英風存射獵彎弓

三百斤鳴絃且伏羆豹群握中買得千金劍鞘裡盛
來北斗文願將此劍不空沒奮身萬里報吾君忼慨
曾思班定遠功名且憶李將軍將軍新自玉關回殷
勤爲酌蒲萄杯勸杯談笑爲君道比來何處有塵埃
已見漢德懷匈奴款塞願朝大單于天旆遠來西極
馬地府遙貢南海珠九夷八蠻皆重譯何況四方本
無虞且見長安諸貴遊車馬紅塵似水流嬌花弱柳
娼家女燕舞鸞歌春酒樓千金買笑百金醉醉來不
惜拋纏頭今日請君且安坐升平坐得萬戶侯

友人東莊花樹歌

東郊卜築大江邊，主人不惜買山錢。
習氏襄陽池水曲，謝家春草草堂前。
春樹滿園皆著花，上映紅霞下白沙。
初入疑施錦步障，坐定飛香送芬葩。
風遲但愛落花靜，景永何憂落日斜。
主人樽中酒不空，花時日飲東郊東。
此地春色誠應惜，酒酣仍對落花風。
願乘春風猶未盡，花底重謁主人翁。

得僊臺佐容翁畫喜而作歌寄贈為謝

僊臺僊翁八十二，脫灑風塵愛幽致。
善書善畫兼詩

篇丹青尤極真，能事由來此道通。
化工歎息人間總如棄，念此流俗與誰論。
料得此翁同此意，意同無路見畫僊。
空憶扶桑欲盡邊，揮毫五彩五城上一拂。
十洲三島煙如斯，真畫不易得。詎圖忽向塵區傳，此時倦去暗春興。
此日醉來牽畫眠，得之驚起纔刮目。草堂生色春風前，睡起之圖初展開。
齋中恰對何奇哉，氣韻滿縑逼人動。僊翁六法健不摧，喜極興來頻把酒。
笑問山童酌幾回，止渴何必茶三椀。解醒應須酒百杯，醉歌且望海天東。
明月高出送清風，想君盤礴

真畫史此時此意亦應同安得一從歸鴻翼東過碣石問僊翁

鬪鷄篇

禁城三月進鬪鷄縱觀羣赴杏花西朱冠金翼爭翕赫養就唯看力氣齊九重傳呼南殿開花覆丹墀影徘徊已分左右前相敵頸毛蝟刺憤起來鐵爪據地未輕應鷹眼血裂不遑回忽舉互當氣益奮銅距金觜鬪欲摧錦毛颯颯隨風落何惜鮮彩碎塵埃擣虛隨轉巧迴避蹴空驚脫還隕頽曹伍相視握霑汗千

人萬人共扼腕休疲選勇戰未酣勝敗頻分且改觀誰家俄進出群雄猛質從來骨不同壓倒難容敢當者怒勢憑凌一擊中狸膏芥粉圖何怯長鳴餘勇翼生風大鷄小鷄駭却走頌敵共知伎力窮堂上庭前同嗟賞衆謹未已場乃終君不見天下專場無所事祇應一供君王嬉

送宮子雲還張海

宮生東學且三年歸養老親張海邊張海自古稱蓬萊鼈頭屹立滄溟開且生珠玉三花樹更起金銀百

尺臺上有僊人不死藥，宮生藥囊採得回。不羨世間
椎牛養親歡，日酌長命杯。笑他秦政無僊骨，多欲窮
年身亦竭。笑他徐福擾僊區，童女三千何所須。人惜
宮生抱利器，身隱江海未肯試。吁嗟宮生用來一割
何足誇，別有千秋不朽之盛事。君看千載古神宮，歸
然獨存張海東。中藏帝子斬蛇劍，威靈赫赫至今雄。

春夢吟

春宵春夢一何短，又被風雨來截斷。憶得明日看花
約，豈謂空從風雨惡。昨日春風滿樹花，一宵春夢還

零落君不見，萬事人間何可執。朝來飲酒昨夜泣，

長別離

漢家天子寵胡客，待詔昭君出宮掖。報恩自應有它
途，賤妾何知國。長策良家親戚生，別離掖庭姊妹不
堪悲。昨日長安行樂處，今日天涯無見期。北風吹送
天山雪，胡馬悲鳴毛鬣裂。手凍琵琶不堪彈，哀音惻
惻心斷絕。萬里零丁送一身，羶裘共擁黃河濱。生來
永棄胡地妾，死去誰憐漢宮人。生死終天大漠北，定
知幽魂歸不得。

夜坐吟

夜坐草堂明月，杯清風颯然。爲我來富貴功名一樽酒，何用襄王百尺臺。君不見閒麗曾誇宋玉姿，冶遊少壯復幾時。高唐賦就真成夢，雲行雨散髮如絲。

俠客刀歌

明曆中朝士某勇悍用，大俠聞卒亦以陰賊賜死。有人藏其佩刀，烏石生攜至時。適客滿酒酣，乃傳觀之。雄偉非常，重數十斤。自鐵銅，具使人竦然。裝作小刀，其大可知。

座客忼慨頗作髮衝之氣，因下酒數斗，相與作歌。

俠客遺風有此刀，鐵環拄頤何麤豪。心俱剛鐵不受屈，片身有侵如拔毛。此刀雄壯真可倚，邑屋誰得箕踞視。五陵紛紛飲博徒，結徒相競亡賴子。嘻笑感慨杯酒間，未及相讐人即死。擲出淋漓觸體血，酒血膾肝。酣未竭，剽攻推埋何足誇。自謂一刀任千截，天地一時何不仁。憶此今日泣鬼神，試發鮫函閃電出。裂眦驚看滿座人，何物俠雄夜含刃。冤魂凝結骨如韃。

鏐邊一缺今見存血漕羶痕猶可認生死彼此已成
灰猶幸此乃收威震

南郭先生文集二編卷之二

